

佛

類 | 文 | 佛 | 叢
編 | 獻 | 教 | 書

本書編委會 編

北京圖書館出版社

叢書佛教文獻類編

六

本書編委會編

北京圖書館出版社

(宋)釋慧日撰 五朝小說大觀本

禪本草

第六冊目錄

總錄之屬・雜說

禪本草 (宋)釋慧日撰		一
禪門本草補一卷 (明)袁中道撰		三
北山錄一卷 (宋)□□撰(宛委山堂本)		九
北山錄 (商務印書館本)		一三
牧牛圖頌一卷又十頌一卷 (□)釋普明等撰		一五
奏對機緣一卷 (清)釋道忞撰		八九
念佛三昧一卷 (清)金人瑞撰		一二三
佛解六篇 (清)畢熙暘撰		一二九
梵珠一卷 (清)俞樾撰		一四三
佛學筆記 (民國)徐昂撰		一七一

總錄之屬・感應

金剛經鳩异一卷 (唐)段成式撰		一七九
鸚鵡舍利塔記一卷 (唐)章皋撰		一八九
現果隨錄一卷 (清)釋戒顯錄		一九三

總錄之屬・護教

二

宗禪辯（宋）張商英撰	三一五
護法論	三六一

總錄之屬・音義

新譯大方廣佛華嚴經音義四卷	四〇一
楞嚴咒校勘記一卷（民國）徐昂撰	五三九

總錄之屬・序贊

唐人草書經讀一卷	五五一
佛國禪師文殊指南圖讀一卷	五八七
護國寺元人諸天畫像讀一卷（明）傅嚴撰	六一七

禪本草

宋 慧日禪師

禪味甘。性涼。安心臟。祛邪氣。開壅滯。通血脈。清神益志。駐顏色。除熱惱。如縛發解。其功若神。令人長壽。

講味甘。微辛。性溫。陰中陽也。開心胸。明目。除積久翳障。益智。不假修煉炮製。但有精粗大小真贗之異。須細揀擇。類破故紙者有毒。不堪入藥。此味遠出流沙外。漢時始入中國。中國種之。枝葉亦繁。不似出西域者良。宜量元氣盛衰服之。元氣盛者服之即消。衰者多滯。鬲上舌乾口燥咽喉少津液。常時痞悶。令人動氣發喘。甚者發狂。尤令人脚軟不能動履。中此毒者。用金剛子。棘栗糝。或吐或下。盡吐下出宿物。胸脾清虛。得汗而愈。一方用大棒擊患人頭。取汗亦愈。無汗者不治。

戒味辛。微苦。回甘。陳久者辛味亦盡。性涼。陽中陰也。須煨煉炮製極淨。實污濁處。便常用。澡浴。其樹生五葉。或八葉。或十葉。或一百二十葉。大小粗細。久近不同。四月八日及臘月八日。採之良。不可自取。須曾採者指示乃得。此味號為藥中之王。能治百病。不論元氣盛衰。皆宜服之。元氣盛者。恃強不服。能致狂疾。衰者初服。覺苦辣頻服之。久自得味。其藥易破。宜謹收藏。護惜。小破壞猶可用。若大壞者。不堪用也。亦有小毒。偏服者損目。

定味甘微辛性清涼陰中陰也安神定魄除煩熱生津液產於深山者良亦有微毒量元氣盛衰服元氣盛者不拘時服俱有效衰者多服亦能損目令人心戰怔忡或四肢軟怯喜睡眠惡見人形惡聞人聲或白日見鬼魅亦有強勉服之不為害者然此味內有暗毒須鍛鍊毒盡乃可入藥有大小久近之異有九種似天棘者不佳草澤醫人採之不入官藥其有一種大人呼為羅漢果入藥取效差小若不揀擇候服如天棘類者乍得清涼直至八萬四千劫毒亦發作發則令人下墜不可服也用般若湯為君服之最驗

淨土味甘平性清涼中和去穢惡令人美顏色長生似蓮花有五色者青者為最不用煨煉炮製四方俱有生西方者良無毒不論元氣盛衰人俱宜服之元氣盛者久服之白日飛身衰者服之亦能輕身不死係古來大醫王合成金丹留此靈藥普度世間但其味冲澹服者多無恒又此藥屬信信則少服亦效不信者不效若大限垂至百藥不救名醫束手但將此一味至心服之從一服至七服無不效者最忌世間腥穢等物若夾雜服之取效亦微

禪門本草補

公安袁中道

慧日禪師作禪門本草云禪味甘性涼安心臟祛邪
氣關壅滯通血脈清神益志駐顏色除熱惱如縛發
解其功若神令人長壽故佛祖以此藥療一切衆生
病號大藥王若世明燈破諸執暗所慮迷亂幽蔽不
信病在膏肓妄染神鬼流浪生死者不可救焉傷哉
余因效輦作諸味云

講味甘微辛性溫陰中陽也開心胷明目除積久翳

障益智不假修煉炮製但有精粗大小真贗之異須
細揀擇類破故紙者有毒不堪入藥此味遠出流沙
外漢時始入中國中國種之枝葉亦繁不似出西域
者良宜量元氣盛衰服之元氣盛者服之卽消衰者
多滯鬲上舌乾口燥咽喉少津液常時痞悶令人動
氣發嗔甚者發狂尤令人腳軟不能動履中此毒者
用金剛子棘栗毬或吐或下盡吐下出宿物胸脾清
虛得汗而愈一方用大棒擊患人頭取汗亦愈無汗
者不治

戒味辛微苦回甘陳久者辛味亦盡性涼陽中陰也
須煨煉炮製極淨寘汗濁處便常用澡浴其樹或五
葉或八葉或十葉或一百二十葉大小粗細久近不
同四月八日及臘月八日採之良不可自取須曾採
者指示乃得此味號爲藥中之王能治百病不論元
氣盛衰皆宜服之元氣盛者恃強不服能至狂疾衰
者初服覺苦辣頻頻服之久自得味其藥易破宜謹
收藏護惜小破壞猶可用若大壞者不堪用也亦有
小毒偏服者損目

定味甘微辛性清涼陰中陰也安神定魄除煩熱生
津液產于深山者良亦有微毒量元氣盛衰服之元
氣盛者不拘時服俱有效衰者多服亦能損日令人
心戰怔忡或四肢軟怯喜睡眠惡見人惡聞人聲或
白日見鬼魅亦有勉強服之不爲害者然此味內有
暗毒須鍛鍊毒盡乃可入藥有大小久近之異有九
種似天棘者不佳草澤醫人採之不入官藥其有一
種土人呼爲羅漢果入藥取効差小若不揀擇悞服
如天棘類者乍得清涼直至八萬四千劫毒亦發作

發則令人下墜不可服用。般若湯爲君服之最驗。淨土味甘平性清涼中和去穢惡令人美顏色長生似蓮花有五色者青者爲最。不用煅煉炮製四方俱有生西方者良無毒。不論元氣盛衰人俱宜服之。元氣盛者久服之。白日飛昇。衰者服之亦能輕身不死。係古來大醫王合成金丹。留此靈藥屬普度世間。但其味冲澹服者多無恒。又此藥屬信者則少服亦効。不信者不効。若大限垂至百藥不救。名醫袖手。但將此味志心服之。從一服至七服。無不効者。最忌世間

腥穢等物若夾襪服之取効亦微

北山錄

闕名

唐徐世勣討河北餽餉不給王師且羸貸糧於寺而僧曰常住不可也有惠休者聞而告其徒曰若此舉無功則國虞矣國虞而寺焉存遂發廩賑食神宗初欲罷釋教惟河北不被詔以曾貸糧故也

張離張良各起大塔佛圖澄謂之曰事佛在於清淨無慾慈矜爲心檀越雖奉大法貪恪未已畋獵無度積聚無窮方受見世之罪何福報之可希邪離等後

金被誅

宋文帝謂求那跋摩曰弟子常欲齋戒不殺以身徇物不獲從志跋摩曰刑不天命役無勞力則使風雨順時寒暖應節百穀茲繁桑麻鬱茂如此持齋齋亦大矣如此不殺德亦衆矣寧在缺半日之食全一禽之命然後方爲弘濟邪

符子曰老子之師名釋迦佛符子者名朗字元達符堅從弟著書數篇號符子

費宗先少信佛法常以鵲尾香爐置膝前

徐陵浴佛以蓮葉露

